

MALITTARISASSAT

Atuutilersut 14. oktober 2020

18. oktober 1999 immikkut ittumik ataatsimeersuarnermi allannguutit ukunani ilanngunneqareerput.

12. februar 2001 immikkut ittumik ataatsimeersuarnermi allannguutit ukunani ilanngunneqareerput.

29. maj 2001 ileqquusumik ataatsimeersuarnermi allannguutit ukunani ilanngunneqareerput.

13. maj 2004 ileqquusumik ataatsimeersuarnermi allannguutit ukunani ilanngunneqareerput.

9. juni 2005 ileqquusumik ataatsimeersuarnermi allannguutit ukunani ilanngunneqareerput.

25. april 2006 ileqquusumik ataatsimeersuarnermi allannguutit ukunani ilanngunneqareerput.

25. marts 2011 ileqquusumik ataatsimeersuarnermi allannguutit ukunani ilanngunneqareerput.

17. april 2013 ileqquusumik ataatsimeersuarnermi allannguutit ukunani ilanngunneqareerput.

20. april 2017 ileqquusumik ataatsimeersuarnermi allannguutit ukunani ilanngunneqareerput.

SISA

**Sulinermik Inuussutissarsiateqartut Soraarnerussutisiaqalernissamut Aningaasaateqarfiat
Arbejdstagernes Pensionskasse**

Cvr.nr. 36 52 22 32 • Issortarfimmut 11/102 • Box 9 • 3900 Nuuk
Telefon: +299 32 40 22 (10:00-14:00) • Fax: +299 32 71 30 • E-mail: sisa@sisa.gl • Internet: www.sisa.gl



§ 1. Aqqa, angerlarsimaffik aamma aningaasat qularnaveeqqusiissutaasut.

Soraarnerussutisiaqalernissamut aningaasaateqarfiup aqqa tassaavoq: Sulinermik Inuussutissarsiuteqartut Soraarnerussutisiaqalernissamut Aningaasaateqarfiat (Arbejdstagernes Pensionskasse). Soraarnerussutisiassanik aningaasaateqarfiup ulluinnarni taaguutaa tassaavoq Soraarnerussutisiassanik katersivik, SISA aamma SISA Pension. Aningaasaateqarfiup angerlarsimaffia tassaavoq Nuuk.

§ 2. Siunertaq.

Aningaasaateqarfiup siunertaraa soraarnerussutisiaqalernissamut aningaasaateqarfimmik ingerlataqarnissaq.

Imm. 2. Aningaasaateqarfiup malittarisassat aalajangersimanerusut tunngavigalugit sillimmasiissutissat piffissami aalajangersimasumi ingerlaavartinneqartussat ilaasortaminut aaqqissuussarisinnaavai inunnut sillimmasiisarfimmi allami taamatullu akuerisaasutut ingerlatarineqartumi.

Imm. 3. Aningaasaateqarfiup aningaasaatai malittarisassani pensionsregulativinilu taaneqartut saniatigut siunertanut allanut atorneqartussaangillat. Aningaasat inissinneqassapput iluanaarutaasinnaanerat annertunerpaaq anguneqarsinnaangorlugu, taamatullu qularnaatsumik sillimmaserneqarsimassapput aningaasat pineqartut aallaqqaammut nalingisa innarlerneqanginnissaat qulakkeerneqarsinnaangorlugu. Aningaasanik inissiinnermi niueqatigiinnermi periutsini mianerisariaqakkat kisimik aallaavigneqartassapput.

Imm. 4. Ilaasortanut pisinnaatitaaffiit pisussaaffiillu pensionsregulativ--ini taamatullu aningaasaateqarfiup siulersuisuinit aalajangiussimasa-ni takuneqarsinnaapput. Pensionsregulativ--ni allannguutit aatsaat atuuttussangortinneqarsinnaapput - Finansministeriet-imit, Naalakkersuisunit kiisalu Sulinermik Inuussutissarsiuteqartut Kattuffiannit akuerineqarsimatillugit "SIK".

§ 3. Ilaasortat.

Soraarnerussutisiaqalernissamut aningaasaateqarfimmi ilaasortangortinneqarsinnaapput uku:

- a) Inuit isumaqatigiissutit SIK -, Naalakkersuisut aammalu Finansministeriet akornanni atuuttut imaluunniit taakku assigalugit isumaqatigiissutit naapertorlugit ilaasortaasinnaatitaallutillu ilaasortaasussaatinneqartut.
- b) Inuit isumaqatigiissutit qulaani taaneqartut naapertorlugit soraarnerussutisiaqalernissaminnut toqqorterisussaatinneqartut.
- c) Inuit Inatsisartut Inatsisaat nr. 21 28. november 2016-imeersoq Soraarnerussutisiaqalernissamut aaqqissuussinnermut pinngitsoorani ilaanissaq pillugu soraarnerussutisiassanut akilioraanermut peqataasussaataasut.

Imm. 2. Allat immikkut ittumik akuerineqarsinnaapput Soraarnerussutisiaqalernissamut aningaasaateqarfiup isumannaatsumik ingerlaneranut innarliisussaananatilluunniit atornerluiniartuunngikkaangata.

Imm. 3. Soraarnerussutisiaqalernissamut aningaasaateqarfimmut ilaasortangorneq pensionsregulativini aalajangersakkat najoqqutaralugit pisassaaq.



Imm. 4. Ilaasortaaginnartoqarsinnaavoq soraarninngornermi, akileeqataasusnaanani ilaasortanngornermi, nammineq piumassutsimik akiliuteqartarnermi - aamma sulisinnaajunnaarnermut sillimmammit matussusiissummit akiliuteqarfigineqarnermi.

Imm. 5. Ilaasortat ataasiakkaat Soraarnerussutisiaqalernissamut aningaasaateqarfiup pisussaaffiitut akisussaatinneqarsinnaanngillat.

§ 4. Akileraartarnermut tunngasut.

Soraarnerussutisiaqalernissamut akilersuutit il.il. ilaasortanullu tunniunneqartut tamarmik soraarnerussutisiat ingerlaavartumik tunniunneqartartut pillugit maleruaqqusat naapertorlugit isumagineqassapput, tak. akileraarnermut inatsit qaqugukkulluunniit atuuttoq.

§ 5. Soraarnerussutisiat inummut tassungarpiag tunngasuunerat.

Soraarnerussutisiaqarsinnaatitaaneq aningaasanngorlugulu tunniunneqartarnera ilaasortanut, katissimallugu aapparisaannut, qitornaannut pisinnaatitaasunulluunniit allanut tunngatillugu taaneqartunuinnavik atuuppoq.

Imm. 2. Ilaasortat katissimallugit aapparisaasa qitornaasalu imaluunniit pisinnaatitaasut allat aningaasaateqarfimmiit pisassariunnagaat allanut tunniunneqarsinnaanngillat, sallunaveeqqutigineqarsinnaanngillat allatulluunniit iliornikkut allanit oqartussaaffigineqarsinnaanatik. Pisinnaatitaaffiit akiitsoqarfiup tungaaniit sukkulluunniit akiliissutissanut ilanngunneqarsinnaanngillat.

Imm. 3. Malittarisassat matuma siuliiniittut aamma atuupput ataatsikkut aningaasanngorlugu tigusartakkanut.

§ 6. Ilegquusumik ataatsimeersuarneq.

Ataatsimeersuarnermi peqataassapput:

- i. aallartitat ikinnerpaamik 18-init SIK-ip immikkoortortaqaarfiinit toqqagaasimasunit, tamatumani immikkoortortaqaarfik amerlanerpaamik ataatsimik aallartitaqarsinnaatitaavoq. Aallartitallu soraarnerussutisiaqalernissamut aningaasaateqarfimmut ilaasortaassapput. SIK-ip soraarnerussutisiaqalernissamut aningaasaateqarfimmut piffissaagallartillugu ataatsimeersuarnissamut aallartitaasussat atii nalunaarutigisassavai. SIK § 6 (i)-imi aalajangersakkat aalajangersimasumik tunngaveqarluni aallartitat 18-init ikinnerunissai nalunaarutigisinnaavaa.

aamma

- ii. SIK-ip siulersuisui, -

Imm. 2. Ilegquusumik ataatsimeersuarneq qaammammi martsimi imaluunniit aprilimi ukiumoortumik ingerlanneqartassaaq. Ataatsimeersuarneq Kommuneqarfik Sermersooq, Nuuk ingerlanneqartassaaq, tamatumani siulersuisut inassuteqarsimanerisigut, ataatsimeersuarnerup sumi allami ingerlanneqarnissaa pillugu allamik aalajangiussaartoqarsimatinnagu.

Imm. 3. Ataatsimeersuarnermut ataatsimiigiaqqusissut siulersuisunit nalunaarutigineqareersimassaaq, ataatsimeersuarnissap pinissaa siusinnerpaamik sapaatip akunnerinik sisamanik sioqqullugu kingusinnerpaamillu ullunik arfineq pingasunik sioqqullugu, tusagassiorfitsigut nalinginnaasutigut aammalu aningaasaateqarfiup allaffiani nalunaaruteqareernikkut. SIK- aamma SIK-ip immikkoortortaqaarfiisa piffissaliunneqartutut taaneqartutuulli allakkatigut qaassusissutit tigusimassavaat. - Ataatsimeersuarnermut qaaqqusissut



taanna elektroniskikkut e-mail atorlugu SIK-imit SIK-illu immikkoortorta qarfiisa e-mailadresseq nalunaarutigisaat kingulleq atorlugu nassiunneqarsinnaavoq.

Imm. 4. Ataatsimiigiaqqusissummi allassimassapput ataatsimeersuarnerup ingerlanissaanut atatillugu ullormut oqaluuserisassat, taamatuttaarlu aamma siunnersuutigineqarsimasinnaasut pillugit pingaarnersiukkatut saqqummiussassat.

Imm. 5. Ileqqusumik ataatsimeersuarnermi immikkoortut uku oqaluuserisassanut ilatinneqartassapput:

1. Aqutsisussamik toqqaaneq.
2. Siulersuisut nalunaarutaat.
3. Ukiumoortumik nalunaarutip saqqummiunneqarnera, kukkunersiuisut oqaaseqaataa, kiisalu naatsorsuutitigut angusat oqimaaqatigiissitsinerillu akuersissutigineqarnissaat.
4. Aningaasaateqarfiup siulersuisusnaanik qinersineq.
5. Kukkunersiuisumik qinersineq.
6. Siunnersuutit tiguneqarsimasut.
7. Ataatsimeersuarnissap aappaagu sumi ingerlanneqarnissaa pillugu aalajangerneq.
8. Taasariaqartut allat.

Imm. 6. Ilaasortaq kinaluunniit pisinnaatinneqarpoq ataatsimeersuarnermut siunnersuumminik oqaluuserisassanngortitsisinaanissaminik, takuuk pkt. 6, tamatumani ilaasortaq piomasaaqammunik siulersuisunut allakkatigut saqqummiussa qarpat, aammalu ima piffissaalluartigisukkat siunnersuut oqaluuserisassanut ilanngunneqarsinnaanngorlugu. Siunnersuutit siulersuisunut ukiumi ataatsimeersuarfiussami 1. februar sioqqullugu nalunaarutigineqartut ileqqusumik ataatsimeersuarnermi siunnersuutit tamatigut oqaluuserineqartussanngortinneqartassapput.

§ 7. Immikkut ittumik ataatsimeersuarneq.

Immikkut ittumik ataatsimeersuarneq ingerlanneqartassaaq siulersuisuni ilaasortat ikinnerpaamik 3-t, kukkunersiuis-oq imaluunniit aktuarip tamanna pissusissamisoortussatut piomasarippassuk, aammattaaq qulequttap aalajangersimasup oqaluuserineqarnissaa piomasaralugu SIK-ip qaqugukkulluunniit nakkutilliisoqarfiani aallartitat, taakkua aamma soraarnerussutisiasaanut aningaasaateqarfimmi ilaasortaassapput, 20 %-iisa allakkatigut tamanna piomasarippassuk.

Imm. 2. Ataatsimeersuarnissamut aggeqqusissut nassiunneqassaaq tamatumingga siulersuisunut piomasaqarnerup pineranit sapaatip akunneri 4-t qaangiutsinnagit; tamannali aallartitanit piomasarineqarpat tak. Imm. 1. ataatsimeersuariaqqusineq sapaatip akunneri marluk qaangiutsinnagit isumagineqariissaaq.

Imm. 3. Ataatsimiigiaqqusissummut ilaatinneqassaaq immikkut ittumik ataatsimeersuarnissamut atatillugu ullormut oqaluuserisassaaq, tasanilu allassimassapput siunnersuutigineqarsimasinnaasuni imarisaasut pingaarnarit, allakkatigullu ingerlateqqinneqarsimassalluni taakkununga ataatsimeersuarnissap ingerlanneqarnissaanik piomasaqarsimasunut. Tamatuma saniatigut malittarisassani § 6, imm. 3-mi taaneqartut aamma atuuttussaatinneqarput.

§ 8. Aqutsisoq aamma imaqarniliaq.

Aqutsisoq ataatsimeersuarnermi nalinginnaasumik amerlanerussuteqartoqarneratigut qinerneqartassaaq.

Imm. 2. Ataatsimeersuarnermi oqaluuserineqartut imaqarniliorneqartassapput, imaqarniliarlu aqutsisumit atsiorneqartassaaq.



Imm. 3. Imaqarniliaq imaluunniit taassuma imarisaanik uppernarsaat ilaasortanit ataatsimeersuarnerup naammassineraniit kingusinnerpaamik ullut 14-it qaangiutsinnagit aningaasaateqarfiup allaffiani pissarsiarineqarsinnaassaaq.

§ 9. Taasineq.

Inuit ataatsimeersuarnerni § 6. imm. 1 tunngavigalugu toqqagaasut taasisinnaassuseqarput. Inuk ataaseq taasineramik ataatsimik pigisaqarpoq.

Ataatsimeersuarnermut peqataasut kisimik taasisinnaatitaapput. Aalajangiinerit tamarmik nalinginnaasumik amerlanerussuteqartoqarneratigut aalajangiinerussapput, tamatumani taamaallaat pineqaratik ileqqoreqqusanik allannguinerit aammalu aningaasaateqarfimmik atorunnaarsitsineq § 18 aamma § 19-mi taaneqartut. Taasinerit amerlaqatigiitsillugit siulittaasup taasineri aalajangiisuussaaq.

§ 10. Siulersuisut.

Siulersuisunut ilaasortaapput inuit qulingiluat. Siulittaasooq –SIK-imit toqqarneqartassaaq. Ilaasortaqaq ataaseq - Naalakkersuisunit, ilaasortaqaq ataaseq Kalaallit Nunaanni Sulisitsisunit toqqarneqartassaaq, ilaasortallu arfinillit ataatsimeersuarnermit qinerneqartassapput. Ikinerpaamik siulersuisuni ilaasortat affaat soraarnerussutisiaqalernissamut aningaasaateqarfimmut ilaasortaassapput. Siulersuisuni ilaasortatut qinikkat ukiunut pingasunut qinigaasassapput. Qinigaaqqittoqarsinnaavoq.

Imm. 2. Ilaasortaattallit siulersuisunut qinigaannut tamanut pineqartumut sinniisussaaq ataaseq marlulluunniit aamma taamatut qinerneqartassapput, takuuk imm. 1.

Imm. 3. Siulersuisuni ilaasortat sinniisussallu inersimasutut oqartussaaffeqalereersimassapput aammalu aningaasaateqarfimmi atorfeqartuussanatik.

Imm. 4. - SIK-imit siulittaasussatut toqqarneqartup saniatigut siulersuisut siulittaasup tullissaanik toqqaasinnaapput.

Imm. 5. Siulersuisut aalajangiisinnaassuseqartassapput maleruagassanut naapertuuttumik ataatsimiigiaqqusisoqarsimappat, aamma siulersuisunut ilaasortat minnerpaamik 5-mat najuuppata, tassa siulersuisunut ilaasortat 4-mat ataatsimeersuarnermi toqqakkat imaluunniit qinikkat aamma siulersuisunut ilaasortaqaq ataaseq Naalakkersuisunit toqqagaasooq imaluunniit Sulisitsisunit toqqagaasooq. -

Imm. 6. Aalajangiinerit nalinginnaasumik amerlanerussuteqartoqarneratigut aalajangiinerusassapput. Siulittaasup taasineri taasinerit naligiitsillugit aalajangiisuussaaq. Illuutiniq assigisaannillu pigisanik imaluunniit aningaasanik piginneqataassutiniq nalunaarsugaanngitsunik pisinerit tunisinerilluunniit aammalu aalajangiinerit aningaasaateqarfiup atugarisaanut atasumik immikkuullarissutut taasariaqakkat imaluunniit sunniutilerujussuit pisussaattillugit piumasarineqarpoq siulersuisunut ilaasortat ikinerpaamik arfinillit isumaqataallutik taaseqataanissaat.

Imm. 7. Siulersuisunut ilaasortat piumasaqarsinnaatitaapput akisussaaffimminnik isuaginninnerminnut atasumik aningaasartuutigisatik matussuserneqarnissaannut, tamatumani maleruqaqqusat siulersuisuni aalajangersakkat naapertorlugit.

§ 11. Siulersuisutut isumagisassat.

Aningaasaateqarfiup tunngaviumik aqunneqarnera siulersuisunit isumagisassaavoq matumani malittarisassat, pensionsregulativ-i aammalu inatsisitigut aalajangersakkat naapertorlugit.



Siulersuisut aningaasaateqarfiup allaffissornikkut ingerlataminik qanoq ingerlatsinissaa pillugu aalajangersaassapput.

Imm. 2. Siulersuisut nakkutigissavaat aningaasanik ingerlatsinermi allattuinerup (bogføring) nalilinnillu pigisanik aqutsinerup isumannaatsumik ingerlanneqarnissaa.

Imm. 3. Siulersuisut sulinissartik pillugu aalajangersakkatik suleriaasissatigut aalajangersagaliortfigissavaat.

Imm. 4. Siulersuisut ulluinnarni aqutsisoqarnissaanut atatillugu direktør-imik atorfinitsitsissapput, taassumalu isumagisassaraa, siulersuisut peqatigalugit, aningaasaateqarfiup ingerlatsinerata - ilaasortanut sapinngisamik annertunerpaamik iluaqutaalersinneqarnissaa. Siulersuisut taaneqartup saniatigut aamma atorfinitsissavaat aktuari Finanstilsyn-imit taamatut akuerisaasimasooq.

Imm. 5. Siulersuisut ataatsimiisinneqartarnissaat siulersuisuni siulittaasup isumagisassaraa, tamanna pisariaqartinneqartussaattillugu. Siulersuisuni ilaasortaq, kukkunersuiusoq, direktøri imaluunniit aktuari piumasaqarsinnaatinnearput siulersuisunik ataatsimiigiallagaqarnissaanik. Direktøri, kukkunersuiusoq aktuarilu, tamarmik siulersuisuni ilaasortaangikkaluarlutik, pisinnaatitaapput siulersuisut ataatsimiinneranni peqataanissaminnik aammalu oqaaseqarsinnaasarnissaminnik, tamatumani siulersuisut immikkut illuinnartunik peqquteqarlutik allamik aalajangiisimatinnagit.

Imm. 6. Siulersuisut ataatsimiinneranni oqaluuserineqartut imaqarniliorneqartassapput, taannalu siulersuisuni ilaasortanit najuussimasunit tamanit atsiorneqartassaaq. Siulersuisuni ilaasortat ilaat, kukkunersuiusoq, direktøri imaluunniit aktuari siulersuisut aalajangiinerannik isumaqataangikkuni/isumaqataaguni pisinnaatinnearpoq isummiussimasaminik imaqarniliamat ilanngusaqarumasinnaanissaminik.

§ 12. Direktøritut isumagisassat.

Direktøri, aningaasaateqarfimmi ulluinnarni aqutsinermik isumaginnittuussaaq, inuttut inersimasutut pisinnaatitaaffeqalereersimasuussaaq aammalu aningaasaateqarfiup Kalaallit Nunaanni angerlarsimaffiani najugaqartuussalluni. Direktørip malittarisassat najoqqutaralugit siulersuisunit saqqummiussat naapertorlugit sulisussaavoq. Siulersuisut Kalaallit Nunaanni angerlarsimaffeqartussaananermik piumasaqaataasumut pisariaqalerpat immikkut akuersissuteqarsinnaatitaapput.

Imm. 2. Direktørip isumagisassaraa aningaasaateqarfimmi aningaasatigut ingerlatsinerit pillugit allattuinerit inatsitigut pineqartut pillugit maleruaqqusaasut naapertorlugit ingerlanneqartarnissaat nakkutigissallugu, taamatullu ainngaasaatigisanik aqutsinerup isumannaatsumik ingerlanneqarnissaa isumagisassalarugu.

Imm. 3. Aningaasatigut ingerlatsinermi nikisitsinerit, aningaasaateqarfimmi atugaasut naapertorlugit immikkuullarissutut taasariaqakkat imaluunniit sunniutilerujussuit, direktørip aatsaat iliuuseqarfigisinnaavai siulersuisunit tamanna pillugu pisinnaatinnearnermigut, tamatumani siulersuisut aalajangernissaat aningaasaateqarfiup ingerlatsineranut annerusumik akornutaasussaangitsumik utaqqineqarsinnaasimatinnagu. Siulersuisut, taamatut toqqammaveqarluni aalajangiisoqarsimatillugu, aalajangiineq pillugu ingerlaannartumik nalunaarfigineqartassapput.

Imm. 4. Direktørip isumagisassaraa soraarnerussutisiaqalernissamat ileqqaarutissat il.il. pillugit naatsorsuinermi najoqqutarineqartartussat pillugit paasissutissanik aningaasaateqarfik naammattunik pigisaqartissallugu.

§ 13. Inatsisitigut akisussaaffigisagarneq.

Aningaasaateqarfik inatsisitigut akisussaaffiligaavoq, siulersuisunit tamarmiusunit; siulittaasumit siulersiusunut ilaasortamit peqateqarnikkut; taakku arlaata direktørimik peqateqarneratigut; imaluunniit siulersuisuni ilaasortat marluk direktørimik peqateqarnerisigut.

Inatsisinik tunngaveqartumik aalajangiinerit annertunerusut siulersuisunit tamarmiusunit aalajangiiffigineqartassapput.

Imm. 2. Siulersuisut pisinnaatinneqarput inunnet ataasiakkaanut arlariinnulluunniit pisinnaatitsissummik tunniussaqaarsinnaanissaminnik.

§ 14. Ukiumoortumik naatsorsuutit kukkunersiuinerlu.

Aningaasaateqarfiup ukiumoortumik naatsorsuutai ukiup qaammatai naapertorlugit suliarineqartassapput. Ukiumoortumik naatsorsuutini ilaatinneqartassapput oqimaaqatigiissitsinerit, naatsorsuutitigut angusat aammalu ukiumoortumik nalunaarut, inatsisitigut maleruaqqusat naapertorlugit suliarineqartartussat.

Imm. 2. Ukiumoortumik naatsorsuutit siulersuisunit, direktørimik aamma kukkunersiuusu-mit, taakkualu ukiumoortumik naatsorsuutinut oqaaseqaataat ilanngullugit, atsiorneqartassapput. Ukiumoortumik naatsorsuutit ataatsimeersuarnermi akuerineqareeraangata kikkunnet tamanut aningaasaateqarfiup internetikkut quppersagaatigut takoriaannagassanngortinneqartassapput.

Imm. 3. Aningaasaateqarfiup naatsorsuutai kukkunersiuusumit naalagaaffimmit akuerisaasumit ataatsimeersuarnermi ukiumoortumik toqqarneqarsimasumit kukkunersiorneqartassapput.

§ 15. Aningaasaateqarfiup aningaasaatai taakkualu inissinneqartarnissaat.

Aningaasaateqarfiup isertitaqaatai tassaapput: soraarnerussutisiaqalernissamut akiliutit, erniat aammalu aningaasaliissutinit, kingornussarsianit ilaasortanillu allanilluunniit tunissutigineqartunit il.il. iluanaarutit.

Imm. 2. Soraarnerussutisiassatut ileqqaarutigineqartussanut aningaasaliussassat lov om finansiel virksomhed-imi maleruaqqusat naapertorlugit inissinneqartassapput.

§ 16. Ilaasortat sillimmatitut aningaasaateqarfiat.

Aningaasat, ilaasortat ataasiakkaat kontoiniittut tassaapput aningaasaateqarfiup ataatsimoortumik aningaasaateqarneranut toqqammavusut. Taakkununga atatillugu makku piumasaqaataapput:

1. Soraarnerussutisiaqalernissamut aningaasaateqarfiup atorunnaarsinneqarnerani akiliisinnajunnaarneraniluunniit utertinneqarsinnaanngillat, aningaasaateqarfiup akiitsoqarfii allat tamarmik isumagineqareertinnagit.
2. Allatigulli utertitsisoqarsinnaavoq, taamaaliornikkut basiskapital solvensmargen-imit appasinnerulissangippat.
3. Utertitsinerit allat, ilaasortat ataasiakkaat ilaasortaajunnaarnerinik tunngaveqanngitsut, taamaallaat pisinnaapput, tamanna pillugu Finanstilsyni qaammammik sioqqutsilluni ilisimatinneqarsimappat akuersisimappallu. Utertitsinissaq Finanstilsynimit itigartinneqarsinnaavoq.
4. Malittarisassani ilaasortat kontoinut atatillugu aalajangersakkat allanngortinneqarsinnaapput Finanstilsyn akuersisinnerasigut.



§ 17. Sillimmasiissutitut aningaasaateqarfik.

Aningaasaateqarfik aningaasanik sillimmasiissutitut aningaasaateqarfimmut illikartitsisarsinnaavoq. Sillimmasiissutitut aningaasaateqarfimmi pigineqartut ikilineqartarsinnaangillat. Taamaattumik aningaasat sillimmasiissutitut aningaasaateqarfimmut illikartinneqarsimasut allanut atugassiarineqarsinnaanngillat. Taamaattorli sillimmasiissutitut aningaasaateqarfimmi aningaasaatigisat, Finanstilsynip akuersineratigut, sillimmasiissutitigut pisussaaffigisakkut annaasimasinnaasat matussuserneqarnissaannut imaluunniit ilaasortanut allatigut iluaqutaasussanut, atorneqarsinnaapput.

§ 18. Aaqqiagiinngissutit.

Aningaasaateqarfiup inuullu soraarnerussutisiassaminik piunasaqaateqarsinnaatitaasup akornanni isumaqatigiinngittoqalersillugu, soorlu soraarnerussutisarineqartussat annertussusissaat pillugu, aningaasaliissutaasimasut utertinneqarsinnaanerata pillugu imaluunniit aningaasaateqarfiup allatigut ingerlatsinera pillugu isumaqatigiinngittoqalersillugu, siulersuisut aalajangiinerat atuuttussaatinneqartassaaq. Piunasaqaateqarsinnaatitaasorli pisinnaassaaq eqqartuussivinnut suliaq pillugu ingerlatitseqqiisinnaanissaminik - siulersuisut aalajangeereernerisa kingorna qaammatit pingasut qaangiutsinnagit.

§ 19. Ileqqoreqqusat allanngortinneqarsinnaanerata.

Ileqqoreqqusat allanngortinneqarnissaat pillugu aalajangerneq ataatsimeersuarnermi aalajangiinerussaaq. Aalajangiinerlu aatsaat atuuttussanngortinneqarsinnaavoq taasinerit pingasorarterutaat marluk (2/3-ii) tunuliaqutaralugit tamanna akuerineqarsimappat. §§-ni, 2, 3, 10, 11, 19 aamma 20-mi aalajangersakkanik allannguinerit aatsaat atuuttussanngortinneqarsinnaapput, taamatut aalajangiinerit kingorna, SIK -, Naalakkersuisunit aamma Finansministeriamit taakku akuerineqarpata.

Aammattaaq allannguinerit Erhvervs-styrelsimut nalunaarutigineqartassapput, nalunaarullu ataatsimeersuarnermi taamatut aalajangiisoqareernerata kingorna kingusinnerpaamik qaammat ataaseq qaangiutsinnagu tassunga nassiunneqareersimasassaaq.

§ 20. Aningaasaateqarfiup atorunnaarsinnera.

Aningaasaateqarfiup pigisaanik akiligassaanillu ataatsimoorussamik soraarnerussutisiallernissamut imaluunniit sillimmasiisarfimmut aningaasaateqarfimmut allanut isumagisassanngortitsinikkut atorunnaartussanngortitaaneratigut pinnani; aningaasaateqarfimmik atorunnaarsitsineq pillugu aalajangerneq aatsaat pisinnaavoq ataatsimeersuarnerup aalajangerneratigut, tamatumani taasinerit ikinnerpaamik 2/3-ii tunuliaqutaralugit taamatut aalajangiisoqarpat, taamatullu aningaasaateqarfiup siulersuisuini taasinerit 2/3-ii tamatuminnga isumaqataappata aammalu atorunnaarsitsinissaq sulisartut sulisitsisullu tungaanniit kiisalu Finanstilsynimit akuersaakkamik akuerineqarpat.

Imm. 2. Taamatuttaaq aningaasaateqarfiup atorunnaarsinneqarnissaa pisinnaanngilaq ilaasortat ataasiakkaat akuersaarsimatinnagit, tamatumani aningaasaateqarfimmi sillimmasiunneqarsimasut soraarnerussutisiallernissamut aningaasaateqarfimmut imaluunniit sillimmasiisarfimmut allanut inatsisit atuuttut naapertorlugit isumagisassanngortinneqarsimatinnagit.



Malittarisassat uku 14. oktober 2020 atuutilerput.

SISA-p siulersuisui:

Jess G. Berthelsen (Siulittaasq)

Ludvig Larsen

Sofie Fleischer

Torben S. Jørgensen

Annassi Kleist-
Karolussen

Else Jonna Villadsen

Karsten Lyberth-Klausen

Kunuk Olsen

Torben Aasberg